

sive Sol cœlestis est primus hujus generationis author, qui virtute sua inenarrabili & occulta seu astrali operatur in materiam quan-dam Philosophis notam, tanquam in matricem mulieris, in eaque producit filium seu fœtum sibi similem, cui postea sua arma & in-signia virtutum, paterno jure, tradet & relinquet, hoc est, immatura maturandi & non tincta nec purgata, tingendi & purgandi poten-tiam. Quicquid enim Sol in mille annis perficit, hoc filius ejus in di-midia hora præstabit; Propterea ut vis millicuplo fortior in eo fiat quam in Sole, pater eum Vulcano in disciplinam tradit & artifici si-mul, ut ab his ejus generosa in doles excolatur & viribus multipli-ce-tur; si quidem constet à teneris assuescere multum esse: Sic Achilles JASON, Hercules Chironi erudiendi fuere traditi eandem ob inten-tionem. Milo enim Crotoniata, qui puer vitulum gestavit, vir bo-vem sustulit ex consuetudine. Non injuriâ autem, præter Solem, Vulcanus & artifex hujus pueri vocantur patres, quia primus ut es-set, hi ut talis & tantus, effecerunt: Nec verò æquivalens didactron magistris solvi potest ob institutionem, ut nec præmium parenti-bus ob generationem. Hi corpus, illi animum concinnant. Si ani-mus potior est corpore, nec illis minor referenda est gratia, quam his. In Orionis verò ortu Mercurius materiam, Apollo formam, & Vul-canus calorem seu efficientem causam externam præbuit. Sic quoq; in opere Philosophico fieri convenit, ut tres patres in unam sobolem conspirasse videantur, in qua Philosophorum sint delitiæ.

Dicitur